

NG GEMEENTE UNIVERSITASRIF
AFKONDIGINGS: SONDAG 28 MEI 2023

**U VOORBIDDING WORD VIR DIE VOLGENDE
PERSONE GEVRA**

- Jakkie Zeeman se jongste suster is oorlede.
- Joshua Daffue se vriend Koot Tait, is oorlede.

VANDAG

PINKSTERFEES

Hartlik welkom by vandag se erediens

- 1. OGGENDDIENS: NAGMAAL.** Hierdie diens word gelei deur **ds Johan Labuschagne.**
09:00
- 2. LIEFDESMAAL.**
Onthou ons gemeente se heerlike liefdesmaal vanoggend **om 12:00.** Elke gesin bring 'n hoofgereg, 'n groente of slaai en 'n nagereg asook eie eetgerei en drinkgoed. Kom proe mekaar se kos en geniet die kuier saam in die kerk. Kom kuier heerlik saam!
- 3. DEURKOLLEKTE: Kommunikasie: Vrypos.**

VOLGENDE SONDAG 4 JUNIE 2023

BIDDAG VIR DIE EKOLOGIE

1. **OGGENDDIENS.** Hierdie diens word gelei deur **dr Lyzette Hoffman.** **09:00**
2. **KINDERKERK** vir voorskools tot gr 3. **09:00**
KATEGESSE vir gr 4-11. **09:45**
3. **DEURKOLLEKTE: Beursfonds vir Teologiese Opleiding (Gemeenteleraars).**
Die kollekte word aangewend as bydrae tot die pos van Kerklike Dosent aan die Universiteit
Vrystaat se Teologiese Fakulteit.

HIERDIE WEEK

MAANDAG, 29 MEI:	Geen
DINSDAG, 30 MEI:	Geen
WOENSDAG, 31 MEI:	Geen
DONDERDAG, 1 JUNIE:	Geen
VRYPDAG, 2 JUNIE:	Geen

ANDER

1. **NUWE INTREKKERS.**
Baie welkom in hierdie gemeente. Dis altyd lekker om nuwe gesigte in die kerk te sien en ons sal u graag van naderby wil leer ken en wil help om in te skakel by gemeenteaktiwiteite. Neem gerus 'n "Nuwe Intrekker" vorm voor op die tafel by die preekstoel of by die deure, voltooi dit en bring terug kerk toe. U kan ook die skakel na die Google vorm gebruik: <https://forms.gle/t4GJAw1tnqgcE81v9>.
U kan ook die kerkkantoor skakel by 051 446 2078 indien u enige inligting benodig.

2. SPESERYBOTTELPROJEK / ALIMENTASIEFONDS.

Kleingeld maak beursies onnodig swaar! Gooi dit, dis nou die kleingeld, oor in 'n speserybotteltjie en kom ruil dit om vir 'n leë een in die twee ingangsportale om die nuwe bondel kleingeld in te plaas en weer te bring. Die geld so bymekaargemaak word aangewend om die alimentasiefonds te stuif en lidmate wat van tyd tot tyd hulp nodig het, te help. Neem gerus van hierdie botteltjies om die siklus te begin.

3. WEEKLIKSE DIENSBEURTE VIR OMGEEGROEPE.

Die omgegroepe van **Anton van Wyk** doen vandag diens by die kerk en is ook **Woensdag 31 Mei** verantwoordelik vir die verskaffing van kos aan Huis Nederig.

Volgende week is die omgegroepe van Robbie Crouch aan diens en wel as volg:

Saterdag 3 Junie	- Boeremark
Sondag 4 Junie	- Kerkdiens
Woensdag 7 Junie	- Huis Nederig

*Vleisprojeklede aan diens is Gert Fourie.

4. RESEPTEBOEK.

Ons gemeente wil weer 'n Resepteboek bekendstel. Ons vra lidmate om hul gunsteling resepte aan te stuur na ds Johan by labuschagnejohan@yahoo.com sodat ons dit in boekvorm kan saambind. Stuur die resep aan met jou naam daarby sodat ons dit so kan plaas.

5. GEMEENTEVERSLAG VIR DIE RING.

Ons gemeente moet weer eersdaags 'n verslag saamstel vir die Ringsitting later die jaar. Positiewe sowel as negatiewe dinge in die gemeente word aangeraak. Daar is vorms by die twee deure. U kan dit terugbring kerk toe of in die kollektiebordjie plaas. Alles sal as vertroulik hanteer word.

6. KERKRAADSLEDE.

Ons benodig een ouderling en een diaken om op die kerkraad te dien. Indien daar iemand is wat homself beskikbaar wil stel sal ons dit waardeer. U kan die kerkkantoor of ds Johan kontak in die verband.

7. WILDEVY-UITREIK.

Die jeug het dit goedgevind om na die kinders van die Wildevy gemeenskap in Namibië uit te reik deur aan hulle skryfbehoeftes te voorsien. Indien u dalk 'n bydrae in die vorm van enige skryfbehoeftes kan maak kan u dit kerkkantoor toe bring of met ds Johan kontak maak. Dit moet egter binne die volgende week geskied aangesien dit na Namibië moet vertrek.


8. RIFNUUS.

Ons gemeentekoerant, RIFNUUS, word weer gedurende Junie aan gemeentelede beskikbaar gestel. Ons vra dat u enige nuus of interesantheide wat u dalk insiggewend kan vind, aan ons stuur sodat ons dit in die Rifnuus kan sit.

VERJAARDAE HIERDIE WEEK

Ronél Ellis	31 Mei
Herman van Rensburg	31 Mei
Logan MacMennen	3 Junie

***Indien u hierdie week verjaar en u naam is nie op die lys nie,
dan beteken dit dat u nie op die stelsel is nie.
Kontak asb. die kerkkantoor by 051 446 2078 sodat ons u attestate
dan kan aanvra.***



Snap here to pay



SnapScan